





旂人放鎗打雀誤傷民人身死卽改發烏魯木  
齊當差旂員議處

刑部題據湖北撫陳咨稱江陵縣審解阿爾金布  
放鎗打鳥誤傷周良臣身死一案緣阿爾金布係荆  
州駐防正白旗蒙古白衣保佐領下步甲與民人周  
良臣素不認識並無仇隙乾隆三十八年十一月十  
四日阿爾金布携帶鳥鎗打及雀鳥過周良臣住屋  
邊見雀集於空院牆上卽在牆外放鎗打去不期良

臣由住屋走至院內以致鎗子中傷門額顛左眼

角等處立時斃命報縣驗訊通詳飭解覆訊無異查  
阿爾金布因見周良臣空壁牆上有雀輒行點放鳥  
鎗以致悟傷人命雖無爭鬪別情究非過失殺人可  
比阿爾金布合依無故向人居住宅舍放彈射箭因  
而致死者杖一百流三千里律係旗人照例枷號六  
十日鞭責發落仍追埋葬銀二十兩給付死者之家  
以爲營葬之資等因前來臣等查阿爾金布係荊州  
駐防旗人乃敢擅持操演鳥鎗向他人住居院內打  
雀以致傷斃人命雖無爭鬪別情究係火器殺人與

尋常放彈射箭情節較重該撫照無故向人居住宅  
院放彈射箭因而致死律擬以杖流折枷發落不足  
以示懲儆且荊州駐防滿洲習氣不堪尤應嚴懲臣  
等酌議應將阿爾金布改發烏魯木齊等處當差仍  
追埋葬銀兩給付屍親具領再查烏鎗係營中操演  
器具該犯擅行持往打雀所有失察職名應令該撫  
查明送部查議乾隆三十九年五月二十八日奉

旨依議



不知母有姦夫疑賊捕捉搥跌其母磕傷致死  
子照過失殺母絞決姦夫部改照與人圖毆誤  
殺人母擬絞因姦釀命立決

刑部題會議得梁告化與鄭氏通姦氏子李紅牯疑  
賊捕捉誤搥伊母致傷身死一案據廣撫李疏稱

鄭氏之夫早故伊子李紅牯外出營生乾隆四十年  
五月內梁告化經過鄭氏門首進屋取火吃烟見屋  
內無人遂與鄭氏調戲成姦已歷有年四十二年二  
月十一日晚梁告化又進房內圖姦適李紅牯回家

探望甫經入門梁告化聞知驚慌跑出黑影之中李紅牯疑賊喝拿趕至梁告化身後兩手抱住梁告化用力掙扎李紅牯手鬆往後一退不期鄭氏從屋內走出至李紅牯身後致被捶跌倒地被木橈捶傷右耳根門檻墊傷右後脇殞命審認不諱將李紅牯梁告化俱依例絞決等因具題查此案李紅牯不知伊母鄭氏與梁告化通姦黑夜撞遇疑賊向捉從後抱住梁告化掙脫力猛李紅牯手鬆後退不期鄭氏走至身後誤被捶跌殞命是鄭氏被捶死實由梁告



化掙脫力猛所致李紅牯黑夜倉猝實係身不自由  
但倫紀攸關未便稍爲寬縱應如該撫所題李紅牯  
合依子過失殺母絞決例擬絞立決該撫疏稱梁告  
化與鄺氏通姦被李紅牯誤疑捕賊墮跌鄺氏斃命  
該犯因姦釀禍陷其母子俱遭慘死將梁告化比照  
本夫捉姦之例加重絞決等語查例載本夫姦所獲  
姦將姦婦殺死姦夫當時脫逃後被拿獲到官審明  
姦情是實將姦夫擬絞監候等語此專指本夫激於  
義忿有意殺姦者而言至卑幼於尊長原無捉姦之

文況子之於母尤不得引殺姦之例今李紅牯本非  
捉姦因梁告化夜入其家疑賊向捉梁告化被李紅  
牯抱住圖脫努力向前掙扎以致李紅牯手鬆後退  
誤撞鄺氏身死該撫援照本夫捉姦殺死姦婦將姦  
夫擬絞之例定擬與例意名分均有未協應將梁告  
化改照與人鬪毆誤殺其人之母以鬪殺科罪例擬  
絞該犯戀姦釀禍致陷鄺氏母子二命亦應如該撫  
所題梁告化從重擬絞立決乾隆四十二年八月初  
六日奉

旨李紅牯梁告化俱著卽處絞餘依議

卷之五

五

李孫部采告外財舊唱烈絲僧外蕭

以妻賣姦復行故殺應以凡論

刑部奏乾隆四十二年八月初六日奉

旨刑部核擬張二卽丕林扎死伊妻徐氏一案照夫故殺妻律問以絞候所擬尙未允協此案張二携妻徐氏賣姦潘三時往姦宿索錢爭毆迫經官責逐張二計欲躲避因徐氏不允輒起殺機奪刀扎斃是張二甘心將徐氏賣姦其夫婦之義早絕乃復逞兇戕命自當與凡人故殺同科猶之妻妾因姦謀殺本夫者律應凌遲若因本夫縱容抑勒其妻妾與人通姦罪止

斬決則縱姦之本夫復殺其妻卽不得以尋常夫故  
殺妻律擬斷蓋其夫縱妻賣姦已屬不知羞愧又忍  
而置之于死情更寬惡夫復拘夫婦名義稍從末減  
何以勵廉耻而維風化乎著刑部將此例另行斟酌  
改定所有張二一案卽著照新例定擬具奏欽此欽  
遵伏查闔毆律載故殺者斬監候又夫毆妻非折傷  
勿論至死者絞監候註云故殺亦絞等語蓋以夫爲  
妻綱婦順爲正故殺妻致死卽屬有心戕命而猶以  
罪止纒首者示與凡人有別所以重倫理維風化也

然正順爲倫理風化起見則姦邪踰蕩在所必懲若爲之夫者寡廉鮮耻至於令妻賣姦是傷風敗化起于其夫並非妻妾與人通姦尋常縱容可比乃復逞兇戕殺妻命既失夫婦之倫卽不得律以夫婦之法誠知

聖諭當與凡人故殺同科查律載抑勒妻妾與人通姦者姦婦不坐並離異歸宗以律應離異之婦而科以凡人擬抵之條尤屬情真罪當應請嗣後以妻賣姦之夫故殺妻者以凡論其非本夫起意賣姦者仍悉依

律例辦理庶廉耻足勵而情法得平矣恭候

命下臣部添纂入例冊通行遵照除奉天張二扎死伊妻徐氏一案卽照新例改擬另摺具奏乾隆四十二

年九月

日奉

旨依議



打獸鎗發誤傷同行之人身死外擬絞罪部駁  
應照捕戶不立望竿傷人致死杖徒

刑部會看得邊六舉鎗打雀誤撞火機鎗發致傷尤  
和身死一案據直督周 疏稱緣邊六素業打獵與

尤和素好無嫌乾隆四十一年十月二十六日邊六  
酒醉回家路遇尤和互相頑笑邊六瞥見漫地有鬼  
跑出卽往家內携取鳥鎗裝藥砂點燃火繩仍由  
原路追尋未獲邊六抗鎗携火前行尤和尾隨迨至  
崔家庄西邊六見有野雀停落樹上正欲打取雀卽

飛往西北地上邊六尙欲追打手扶火機隨勢轉鎗  
因回身急驟拖落火機鎗卽舉發不期尤和已行走  
上前鎗砂正中尤和左肋當卽殞命審認不諱邊六  
比照圍場內應行射獸而傷平人致死者照比較拳  
棒戲殺例擬絞監候具題查乾隆三十九年八月軍  
机大臣遵

旨議奏凡圍場內應行射獸之兵丁等因射獸而傷平人  
致死者照比較拳棍戲殺例擬絞監候又是年十月  
江西巡撫海 咨興國縣民黃昌懷放鎗打鹿致傷

姚文貴身死一案將黃昌懷依過失殺人律收贖經  
臣部以民人捕獵施放鎗箭打射禽獸不期殺人者  
比照捕戶于深山曠野安置窩弓不立望竿因而致  
死律杖一百徒三年照追埋葬銀一十兩奏准載入  
例冊通行遵照各在案又例載凡無故向城市及有  
人居止宅舍放彈射箭傷人致死者杖一百流三千  
里等語今此案邊六在于庄西舉鎗打雀誤中同行  
之尤和左肋殞命核其情罪與民人捕獵放鎗不期  
殺人之例相同卽如該督所稱該處係村民往來大

道非深山曠野可比則凡無故向城市及有人居止  
宅舍放彈射箭傷人因而致死者按律亦止擬流究  
與圍場重地人騎衆多漫不審慎因而致死人命者  
有間今該督將邊六照圍場射獸兵丁致死平人例  
擬以纓首尙未允協應令該督再行詳審明確妥擬  
具題到日再議乾隆四十三年四月二十六日奉

旨依議

條奏律例無可引用援引別條比附者應于疏內  
聲明例奏請

定奪臣等更有請者查例內因強姦將本婦立時殺死  
者擬斬立決若強姦既成本婦羞忿自盡者擬斬監  
候至強姦未成但經調戲本婦羞忿自盡者擬絞監  
候等語俱已著有成例惟強姦不遂將本婦毆傷越  
數日身死作何治罪之處從前尙未議及請嗣後遇  
有強姦不遂將本婦毆傷越數日後因本傷身死者  
仍照因姦威逼人致死律擬斬監候如蒙

俞允俟

命下載入例冊通行遵照乾隆三年九月 日奉

旨薩哈圖依擬應斬著監候秋後處決餘依議

毆有致命重傷自盡比照用強威逼例減徒

乾隆四年十一月二十八日

刑部據福撫王咨稱葉節毆傷葉攬服毒身死一

案緣葉節與葉攬係無服弟兄素無嫌怨乾隆三年

十月間有葉節親戚歐俊欲行修墳被周敬以有碍

風水不允互相爭角經葉節以葉攬與周敬係屬甥

舅託其調處寢息葉攬疑葉節受有賄謝十一月十

一日路遇葉節隨問索取葉節答以無謝禮並欲扯

葉攬同往質明葉攬隨揮拳毆葉節胸膛葉節用拳

回毆葉攬腮挾葉攬又推葉節倒地按住葉節情急用手捻傷葉攬腎囊爬起葉攬復扭葉節不放葉節急圖脫身又腳踢葉攬右脅當經李才勸散葉攬懷忿路遇葉扶告知欲服毒與葉節對命葉扶力勸不歸轉告葉節葉節隨尋葉攬不遇詎葉攬潛自服毒死在媽祖宮口次早適有葉修往廟點燈看見奔報屍妻莊氏控縣驗傷訊供詳報查威逼人致死律註內開愚民口語相爭初無威逼之狀而其人輕生自盡止坐不應重律等語係指口語相爭並無相毆及



致命傷而言今葉節雖無用強威逼但毆葉攬有致命腎囊傷痕律無正條應遵大學士張 條奏律例無可引用者比照某律某例加減科斷應將葉節比照因事用強毆打威逼人致死果有致命重傷雖有自盡實跡發邊衛充軍例減一等杖一百徒三年葉尙訊不在場李才葉扶已經勸阻均應免議等因前來據此均應如該撫所擬完結仍于葉節名下照例追埋葬銀一十兩給付葉攬親屬收領可也

[illegible]

雖有致命傷痕但未用強威逼比例減徒

乾隆四年十二月

日准

刑部咨據福撫王 咨稱余興被戴祿打傷後服毒

身死一案緣余興有族姪余炎病故遺妻黃氏欲行

改嫁余興隨爲吳宋說媒先得吳宋媒禮番銀一員

又值戴祿妻故托媒亦欲續娶黃氏均未聘定余興

聞知于乾隆四年二月十八日早前至戴祿家勒令

代還吳宋媒禮戴祿不允兩相角口余興先以頭撞

戴祿戴祿閃側用拳還毆余興之右腰服余興回家

不甘卽于是日下午採服斷腸毒艸跌倒路旁致石  
靠傷脊背時有余興之姪余通赴田耕作看見報知  
余興之妻張氏趕救不效旋卽斃命查律載因事用  
強毆打威逼人致死果有致命重傷雖有自盡實跡  
發邊衛充軍係指威逼毆有致命重傷自盡者而言  
又律註內開愚民口語相爭初無威逼之狀而其人  
輕生自盡止坐不應重律等語係指口語相爭並無  
相毆及致命傷而言今戴祿雖無用強威逼但毆打  
余興現有致命腰眼傷痕律無正條應遵雍正十一

年大學士張 條奏律例無可引用者比照某律某  
例加減科斷將戴祿比照因事用強毆打威逼人致  
死果有致命重傷雖有自盡實跡發邊衛充軍例減  
一等杖一百徒三年余興已死所得吳宇媒禮番銀  
一員照例免追黃氏另聽擇嫁相應咨達等因前來  
應如該撫所擬完結仍于戴祿名下照例追埋葬銀  
一十兩給付屍親收領可也



互相爭毆後自縊並無用強或逼情形駁改比  
例擬以滿徒

刑部會議復張虎龍毆傷曾運生自縊身死一案先  
據福撫王 咨稱緣曾運生祖居赤嶺下移住張家  
坑地方向張虎龍租田種草織蓆欠張虎龍租錢六  
百文未清乾隆二年十月二十三日張虎龍抵曾運  
生家取討值曾運生挑担欲撤回祖家遂放担向張  
虎龍求寬張虎龍不允兩相爭鬧張虎龍碎其担內  
鉄鍋并手推曾運生致曾運生頭撞門首竹籬笆傷

及左眉左眼胞曾運生以扁挑向打張虎龍張虎龍  
扭住曾運生衣領指甲抓傷食氣額曾運生頭撞張  
虎龍張虎龍拳打曾運生左額角已經釋手曾運生  
又欲毆打張虎龍張虎龍又拳打曾運生顙門倒地  
張虎龍奔歸適會運生同居之張滔趕集歸家扶會  
運生進房就寢詎曾運生不甘卽于是夜自縊殞命  
張虎龍合依因事用強毆打威逼人致死果有致命  
重傷雖有自盡實跡追埋充軍例僉妻黎氏發邊衛  
充軍仍追埋葬銀一十兩給付死者之家收領曾運



生所欠租錢六百文應請免追張虎龍打碎曾運生  
鉄鍋一口應于該犯名下追賠給領供明告証人等  
經縣遵例先行省釋相應咨部完結仍于年底彙題  
等因咨部經臣部以因事用強毆打威逼人致死果  
有致命重傷雖有自盡實跡依律追埋葬銀兩發邊  
衛充軍者必犯人因事忿爭不論曲直輒行強逞克  
肆意輟轢死者畏其克鋒不敢與較受其毒毆無能  
報復因而自盡斃命自應照例問擬今張虎龍向曾  
運生索取租錢爭鬧張虎龍手推曾運生曾運生以

扁挑向打張虎龍因而扭住曾運生拳毆致命傷二處後卽奔歸曾運生不甘自縊畢命查核案情曾運生與張虎龍原屬兩相鬪毆張虎龍並無用強威逼之形曾運生亦非畏其兇鋒不敢與較不得已而自盡者比今該撫遽將張虎龍擬以邊衛充軍殊未允協應令該撫另行妥擬到日再議咨駁去後今據該撫王疏稱查張虎龍與曾運生原屬鬪毆張虎龍並無用強威逼之狀曾運生亦並非畏威莫敢與較不得已而自縊身死者前擬遣戍洵未允協但查威

逼人致死律註內開愚民口語相爭初無威逼之狀  
而其人輕生自盡止坐不應重律等語係止口語相  
爭並無相毆及致命傷而言今張虎龍雖無用強威  
逼但毆打曾運生現有致命傷痕律無正條應將張  
虎龍照大學士張條奏援引比附之例比照因事  
用強毆打威逼人致死發邊衛充軍例減一等杖一  
百徒三年請

旨定奪具題應如所題張虎龍應比照因事用強毆打威  
逼人致死果有致命重傷雖有自盡實跡發邊衛充

軍例減一等杖一百徒三年至配所折責四十板并  
追埋葬銀一十兩給付死者之家仍照例聲明恭候  
欽定會運生所欠張虎龍田租錢六百文應照例免追張  
虎龍打碎會運生鉄鍋一口應于張虎龍名下追賠  
給與屍親收領再該撫疏稱此案已經遵駁改正例  
得並邀免議等語今此案既經遵照部駁改正應照  
例免其查議乾隆五年二月 日奉

旨依議

衙役奉票拘人逼詐致縊援案枷責完結

乾隆八年九月日准

刑部咨據廣撫王 咨稱新寧縣典史差役甄超逼索蘇安從之妻曾氏自縊身死一案緣蘇安從與故父蘇儒玉向居伍姓村內在伍允紀家傭工近年以來伍允紀家計蕭條蘇安從遂出外爲傭乾隆六年九月二十二日伍允紀安葬祖塋預約蘇安從幫工蘇安從應允後因新會工作難離致未踐約至乾隆七年正月初九日伍允紀遇見蘇安從責其失信蘇

安從出言不遜伍允紀舉手欲打蘇安從亦欲還打  
伍允紀退避不甘遂于二月初十日以逆僕毆主具  
詞赴典史衙門投控典史楊文煥票差甄超喚訊十  
四日甄超往拘適蘇安從父子俱往新會縣傭工甄  
超索取蘇安從之妻曾氏飯錢一百文而回十九日  
甄超復至其家詢問蘇安從回否曾氏答以未歸甄  
超隨索錢二千文曾氏無錢以應甄超不悅出言唐  
突而去曾氏慮夫受罪又苦無錢雇人往喚更恐甄  
超再來乏錢遣發憂愁莫釋遂于二十日早乘媳小

曾氏出外挑水閉門自縊迨小曾氏回家知覺晚同  
鄰佑劉萬聚撥門解救不及業已殞命小曾氏併懇  
劉萬聚往報翁夫蘇安從趕回詢知衅起伍允紀具  
控隨捏伍允紀于正月初五日入室圖姦伊媳不遂  
因而捏詞妄告以致捕差甄超逼索伊妻身死研訊  
各犯供認如繪查蘇安從同故父蘇儒玉在伍允紀  
家傭工是實並非伍允紀奴僕至伍允紀委無入室  
圖姦小曾氏情事係蘇安從因伍允紀誣捏爲奴遂  
捏情誣抵其捕差甄超于得餽資之外雖未得受多

錢而出言嚇逼斃命屬實均已供明不諱查康熙四十六年普安縣民黃世爵黃允衙役龔正之名詐逼黃之英銀兩以致黃之英自截身死照奸徒串通衙役陷害良善詐騙財物例枷號兩個月責四十板追埋葬銀十兩具題奉

旨嗣後此等案件俱照此例定擬欽此欽遵在案今甄超奉票差拘人索錢不遂出言恐嚇以致曾氏情迫自縊應請比照黃世爵之例枷號兩個月責四十板追埋銀十兩并所索飯錢一百文給付屍親收領仍革



役時逢熱審照例減等枷號五十五日責三十五板  
八折發落伍允紀誣雇爲僕與誣良不同律無正條  
但事出有因應免深求惟不赴印官呈控輒赴典史  
衙門告理亦屬不合伍允紀應照將不合行事務朦  
朧稟說施行律杖一百折責四十板時逢熱審照例  
減一等杖九十八折發落蘇安從呈捏伍允紀調姦  
伊媳未成如果屬實伍允紀罪應杖八十今審屬虛  
蘇安從合依被誣之人反誣犯人者亦抵所誣之罪  
不加等律杖八十遇熱審減一等杖七十八折發落

伊媳曾氏係聽從蘇安從教誘誣供今已罪坐家長  
應請免議原任典史楊文煥據審並無徇情納賄其  
違例擅受民詞濫差滋擾以致衙役詐索斃逼人命  
業于本案革職毋庸議與于審保長伍有恒鄰佑劉  
萬聚同屍媳曾氏先行摘釋曾氏屍棺飭屍夫領埋  
除咨吏部外擬合咨達等因前來甄超等均應如該  
撫所議完結可也

調戲婦女以致失跌傷胎身死滅等擬流死者  
亦不

旌表

刑部會議覆王那客調戲陳三榮之妻溫氏致氏失  
跌傷胎身死一案據廣撫王疏稱王那客與溫氏  
鄰村居住素相熟識乾隆七年二月內溫氏之夫陳  
三榮被澄邁縣竊犯供扳關提脫逃溫氏隻身子幼  
暫回伊父溫玉家居住五月十九日溫氏前往多文  
市買米下午時候同伊叔溫宗世回家適王那客亦

在市買筆與溫氏等同歸行至抱屯村邊溫世宗腹  
痛在於路旁土坑出恭溫氏與王那客先行至賓泮  
地方王那客四顧無人遂調戲溫氏聲言氏夫犯竊  
逃走氏屬青年難守不若嫁伊爲妻溫氏怒罵閃開  
道旁欲讓王那客先行王那客上前復捻溫氏之手  
溫氏放下來袋拉住王那客右手咬其臂膊王那客  
負痛難忍卽用左手格傷溫氏咽喉并指甲抓傷溫  
氏右頰額溫氏放口叫喊王那客掙脫跳越水坑而  
逃溫氏亦跳坑趕拉失足坐跌坑邊振傷胎孕溫宗

世聞聲奔至詢知情由欲扶溫氏回家行不數步溫氏氣喘倒地隨卽殞命屢審不諱查例載但經調戲本婦羞忿自盡者擬絞監候並無但經調戲本婦自行跌傷身死將調戲者作何治罪之文今王那客調戲溫氏在溫氏本無欲死之心實因已身一時失足坐跌傷胎身死若將王那客擬絞似覺稍重應將王那客比照但經調戲本婦羞忿自盡擬絞監候例量減一等擬流並聲明王那客有妻馮氏情願僉遣照例請

旨遵行具題應如所題王那客應比照但經調戲本婦羞忿自盡者絞例減一等杖一百僉妻流三千里至配所折責四十板并向該犯名下追埋葬銀二十兩給付屍親收領仍將該犯比附罪名之處照例聲明恭候

欽定該撫既稱溫宗世救護不及應毋庸議陳三榮所犯竊案飭令緝審詳結等語應如所議完結再該撫疏稱溫氏被王那客調戲雖亦羞忿詈罵但係失跌致死與捐軀殉節者不同毋庸議請

旌表等語查定例內婦女強姦不從以致身死者

旌表等語今溫氏被王那客調戲雖亦羞忿詈罵但係  
失跌致死與捐軀殉節不同應毋庸議乾隆八年十

二月

日奉

旨依議

三

二月

日奉

夫規廷玉與郭顯成潛不同恩我輩藉藉人平士  
茲表華語今賦月姤王派容臨熱難亦蓋念舊淵財財  
茲表華語查安陽內賦文顯蓋不終以煙良取青



用強毆打以致自盡並無威逼情事比照威逼  
例減一等治罪駁案

乾隆十二年十一月十九日准

刑部咨據湖北撫陳 疏稱沔陽縣邢六卽邢貴殿  
傷李富明致李富明自扎身死一案緣邢六原籍任  
邱李富明籍隸武陟均寄居沔邑清涼寺地方各自  
生理素好無嫌乾隆十六年六月二十九日邢六乏  
油持簋向李富明那借荅以有油不肯借給邢六卽  
強取油確李富明槍奪致確落地油傾李富明詈罵

欲毆邢六將李富明一推轉身跑走李富明不甘遂  
趕拉住邢六髮辮邢六回身用拳毆傷李富明右眼  
胞李富明釋手隨拾地下磚塊回打邢六臂膊邢六  
奪磚適伊兄邢玉聞聲趕至手披邢六兩掌邢玉將  
李富明抱轉勸令回家李富明卽辱罵邢六父母邢  
六氣忿在邢玉背後將所奪磚塊打傷李富明顙門  
當有街鄰劉尙等趕至奪獲邢六磚塊勸令各散不  
意李富明被毆氣忿聲言以死相抵回家持刀而出  
在門外街中連扎自己肚腹三刀卧地劉尙等趕救

不及當經李祥瑞用雞皮貼住傷口邢六亦卽逃遁  
邢玉畏累亦卽潛逃李富明傷重卽于次日殞命嗣  
據開獲各犯訊供不諱邢六合依因事用強毆打威  
逼人致死果有致命重傷雖有自盡實跡依律追埋  
葬銀兩發邊衛充軍至配所杖一百折責四十板仍  
追埋葬銀十兩給付死者之家邢玉審無幫毆情事  
應與勸阻不及之甲鄰人等均毋庸議李富明所存  
家伙本錢給與夥計陳寄收管俟關到屍親一併給  
領所有拿獲兇犯一名邢六係河南裕州知州王枝

培相應開報等因前來查威逼人致死必有可畏之威方以威逼定擬今此案邢六向李富明借油不給強行自取以致兩相爭打邢六雖毆傷李富明左眼顙門二處但業經勸散事已寢息迨後李富明氣忿自扎身死邢六並無威逼情事且所傷甚輕原不致於傷命若照該撫所擬依因事用強毆打威逼人致死一例擬軍殊與例義不符但止用強毆打而無威逼情事者律例並無正條查例載律例無可引用援照別條比附者或加一等或減一等科斷等語應將

邢六比照因事用強毆打威逼致死果有致命重傷  
雖有自盡實跡發邊衛充軍例減一等杖一百徒三  
年至配所折責四十板仍追給埋葬銀兩餘均如該  
撫所議完結至文職應否議敘應將原咨送吏部議  
覆可也



語言褻狎總麻服姪之妻以致自盡加重擬軍  
因聞喫茶之語輕生不准

旌表

刑部會看得鄧觀音保出言褻狎致總麻服姪鄧七  
俚之妻曾氏羞忿自盡一案據廣撫蘇疏稱鄧觀

音保與曾氏鄰屋居住緣鄧觀音保唱戲營生乾隆  
十五年二月內因值清明祭墓鄧觀音保帶有戲班  
骨牌回家鄧七俚偕回家內頑耍三月初二日鄧觀  
音保欲往回舖橋唱戲初一日午後至鄧七俚家索

取骨牌值鄧七俚及伊母劉氏往田工作止遣鄧七  
俚之妻曾氏在家鄧觀音保卽向曾氏取回骨牌并  
順口向說你若看戲我請吃茶曾氏以土俗婦人受  
聘爲吃茶卽正言斥責鄧觀音保覆稱在外唱戲常  
請婦人吃茶曾氏叫喊鄧觀音保趨出適劉氏自田  
回家卽將鄧觀音保布衫拉住鄧觀音保解脫布衫  
急出劉氏復向前扯扭鄧觀音保情急咬傷劉氏手  
指劉氏釋手鄧觀音保奔走迨鄧七俚歸家曾氏告  
知前事氣忿哭泣鄧七俚投知鄰佑鄧勝千等并同



母解勸至下晚會氏乘間潛往投水身死鄧君彩等  
往田工作看見會氏投水鄧七俚撈起身屍投明村  
甲具控屬審不諱查出語褻狎本婦一聞穢語卽便  
輕生照強姦未成本婦羞忿自盡例減等杖流係指  
凡人而言今會氏係鄧觀音保總麻服姪之妻名分  
攸關未便照凡人科罪查凡人但經調戲本婦羞忿  
自盡者例應擬絞若總麻以上親有犯俱照強姦總  
麻以上親未成擬斬本案係褻狎總麻以上親之妻  
致令自盡情輕于調戲而分重于凡人自應加等議

擬將鄧觀音保擬器具題查例載村野愚民本無圖  
姦之心又無手足勾引挾制窘辱情狀不過出言褻  
狎本婦一聞穢語即便輕生照強姦未成本婦羞忿  
自盡例減一等杖一百流三千里等語原無親屬有  
犯另行治罪之文今該撫既稱鄧觀音保向總麻姪  
媳曾氏出言褻狎以致曾氏羞忿自盡情詞輕于調  
戲而分重于凡人未便照凡人科斷等語應如該撫  
所題鄧觀音保合依出語褻狎本婦一聞穢語即便  
輕生杖流例從重問發附近充軍至配所折責四十

板仍照律無正條援引比附加減例聲明恭候

諭旨遵行再該撫疏稱骨牌已據取回查係頑具係戲班  
行頭毋庸議所獲布衫布鞋飭令分別變銷等語應  
如所題完結再該撫疏稱查定例凡婦女強姦不從  
以致身死者

旌表等語今會氏一聞竊語羞忿莫釋捐軀明志節烈  
可嘉應請

旌表以彰風化等語查會氏因鄧觀音保請吃茶一語  
卽便輕生投水自盡與強姦不從羞忿自盡者有閒

應將該撫題請曾氏

旌表之處毋庸議乾隆十六年閏五月初八日奉

旨依議

悞傷親伯縊死照威逼尊長問絞案

刑部會看得蔡映星被親姪蔡王興毆傷氣忿縊死

一案先據廣撫蘇疏稱蔡映星佃耕劉良則田大

雨沙壓蔡映星墾復于乾隆十四年劉良則將田賣

與蔡映星親弟蔡秀星蔡映星以劉良則不給工本

十二月十四日仍令子蔡阿后犁耕蔡秀星之子蔡

王興向阻爭鬧而散十六日蔡映星同蔡阿后途遇

蔡王興切責其非并將拄杖向毆蔡王興心疑蔡阿

后唆使接奪拄杖向打蔡阿后蔡映星趨護蔡王興

帨傷蔡映星頂心蔡映星以頭亂撞蔡王興攔抵致  
傷蔡映星偏右顙門奔逸蔡映星氣忿莫釋于是夜  
自縊身死蔡映星長子蔡進喜欲行報官蔡秀星懇  
求伊母江氏三兄蔡其章和息族長蔡友士在旁相  
勸蔡進喜不依江氏發忿蔡進喜勉強允從蔡秀星  
將田一畝五分載價九十兩交付蔡進喜收受旋經  
拿獲屢審不諱查律載卑幼威逼期親尊長致死者  
絞又弟毆兄傷杖一百徒三年若姪毆伯叔父母加  
毆兄罪一等又例載凡因事用強毆打成逼人致死

果有致命重傷雖有自盡實跡依律追埋葬銀兩發  
邊衛充軍各等語今蔡映星原係氣忿自盡蔡王興

尙無威逼情狀按律擬絞不無過重但竟照毆期親  
尊長擬流又與未經自盡者無所分別亦屬過輕蔡  
王興應比照因事用強毆打威逼人致死果有致命

重傷發邊衛充軍例發邊衛充軍等因咨部經臣部  
以律載威逼期親尊長致死者絞等語蔡王興承買  
伊親伯映星佃耕之田映星因從前墾復工本未得  
討回又不得復耕其田是以斥責向毆王興輒疑映

星之子阿后唆使奪杖轉毆致悞傷映星頂心映星  
舉頭向撞王興復用杖撓傷映星偏右顙門以致映  
星氣忿自縊身死該撫咨稱王興尙無威逼情狀擬  
絞不無過重等語夫律稱威逼者原無欲殺之心第  
以威勢相加使人難受其死實由于此卽應坐以威  
逼之條今王興既不議還伊伯墾復工本之銀又不  
容伊伯之子赴田犁耕迨伊伯情急向前欲行毆撞  
王興並未受傷輒敢恃強奪杖撓傷伊伯致命三處  
查驗屍格色係紫黑據屍子供稱父親因工本無討



又被王興打傷是以氣忿縊死等語則映星之死實由王興逼迫所致律所稱卑幼威逼尊長致死何以加此事關逼死親伯倫紀攸關不便率結咨駁去後今據該撫疏稱映星究係王興親伯尊卑名分秩然當王興路遇映星斥責向毆之時在王興何難走避乃反奪杖向毆阿后以致打傷映星致命頂心迫映星情急以頭亂撞王興仍不走避又用拄杖攔抵致傷映星致命偏右顙門兩處是映星之縊死實由王興強梁逼迫所致前擬充軍洵屬未協將王興擬絞

等因具題前來應如該撫所題王興合依卑幼威逼期親尊長致死者絞律擬絞監候秋後處決乾隆十七年十一月奉

旨蔡王興依擬應絞着監候秋後處決餘依議

希圖兄產逼嫂改嫁致嫂自盡比照疎遠親屬  
圖財強賣律擬絞奏請

刑部 題據廣撫審題李樹養等圖產逼嫁孀嫂曾  
氏服毒身死一案緣李樹養胞兄李經書病故伊嫂  
曾氏矢志孀守李樹養覬覦伊兄遺業輒起意遣嫁  
撞遇陳俊蘭談及李茂生欲娶繼室李樹養卽以伊  
嫂曾氏欲行再醮囑令說合議定財禮約日迎娶曾  
氏先已聞知倉惶躲避李茂生等迎娶無人始知曾  
氏不肯取回財禮各散詎曾氏被逼不甘且恐將來

難免抑勒失節往山潛食斷腸毒草歸家殞命將李  
樹養照孀婦自願守志夫家搶奪強嫁孀婦不甘失  
節因而自盡例發邊衛充軍等因具題經臣部以例  
載孀婦自願守志而夫家搶奪強嫁孀婦不甘失節  
因而自盡者照威逼充發例應發邊衛充軍等語此  
專指夫家母家主婚受財搶嫁強奪者而言今李樹  
養因伊兄物故希圖家產強逼曾氏改嫁以致服毒  
身死核其情罪與主婚受財者較重夫以疎遠親屬  
圖財強賣並未至死人命猶擬環首而該犯圖產逼

命儘擬充軍殊失平允應令該撫按情妥擬到日再  
議等因題駁去後今據該撫將李樹養比照疎遠親  
屬圖財強賣者絞候仍將比引科斷緣山恭候  
聖旨定奪曾氏奏請

旌表等因臣部於乾隆二十一年三月內題覆奉  
旨李樹養依擬應絞着監候秋後處決餘依議

卷二

捏姦唆使毆斃比照因姦威逼致死擬斬

刑部會看得王興等捏姦主使毛忠捆毆毛天祥身

死一案據直督方疏稱緣毛天祥與姪毛自富向

在關東生理遺妻李氏與姪媳王氏在家王氏因往

秦四家帮做針線卽與秦四通姦嗣李氏病故王氏

又與王寬王興通姦均非一次乾隆十六年正月毛

天祥自關東回家聞氏不端卽爲拘管又禁王興等

來往王氏于二月二十七日乘毛天祥外出赴王興

家道及毛天祥拘管不能來往情由王興卽設計誣

陷令王氏引誘毛天祥進房睡宿赴街捏喊強姦代  
爲耻辱以塞其口王氏應允王興知王寬秦四俱與  
王氏有姦卽向伊等告知令其聞聲同往理論二十  
八日適毛天祥偶患寒疾王氏因其炕冷卽誘令換  
房睡宿毛天祥應允次日天明王氏乘毛天祥病卧  
未起赴街捏喊毛天祥強姦王寬王興秦四聽聲齊  
赴毛天祥家一同村辱因被毛天祥辱罵并聲言欲  
與拚命王興氣忿因毛思係毛天祥族叔欲圖壓服  
又與王寬秦四商謀哄騙毛忠前來毆打洩忿遂令



王氏往毛忠家捏姦哭訴毛忠聽信而來王興等迎至中途令其毆打教訓毛忠同至毛天祥家內見毛天祥尙卧王氏炕上斥責其非毛天祥挺撞毛忠氣忿掌批其腴毛天祥不服詈罵王興秦四隨幫同毛忠將毛天祥兩手撐轉王興用繩捆住秦四拾取木棍逼交毛忠王寬聲言打伊手腿卽棍毆毛天祥左脇肋倒地復連毆其左手腕因王興做手勢令其剝衣墊石毆打毛忠隨又解繩捆住其足並脫去皮袄拉開右手放于石上用棍毆其右脇連手腕并左

右臚朐等處經鄰佑王銀聞聲赴勸而散詎毛天祥  
傷重移時殞命屢審不諱除應行擬流之毛忠于取  
供後病故不議外查王興誣捏姦情唆使毛忠毒毆  
毛天祥致斃情罪較重應比照因姦威逼人致死律  
擬斬監候王寬擬流減徒王氏擬軍收贖具題應如  
所題王興應比照因姦威逼人致死律擬斬監候秋  
後處決係律無正條比擬聲明恭候

諭旨遵行該督既稱王寬雖訊無助毆情事但隨同王興  
圈哄毛忠指使毆打應照因姦威逼人致死爲從減

一等律杖一百流三千里王氏聽從王興捏姦污讎  
如果屬實王氏係毛天祥姪媳服屬大功毛天祥應  
照親屬犯姦律問發充軍今審虛反坐王氏合依誣  
告充軍應照所誣充軍律應發邊衛充軍係婦人決  
杖一百餘罪收贖第王寬等事犯在

恩詔以前除王氏誣告大功尊長不准援免外王寬所犯  
流罪應減爲杖一百徒三年逸犯秦四獲日另結等  
語查王寬誣捏毛天祥強姦王氏并唆令毛忠毆傷  
毛天祥身死情罪較重王寬應得流罪不准援減餘

均應如該督所題完結乾隆二十一年九月三十日  
奉

旨王興依擬應斬著監候秋後處決餘依議

因姦誤摸以致自盡比照出語褻狎例擬流

刑部會看得朱小因姦小丫頭誤摸黃二姐以致黃

二姐羞忿投水身死一案據安撫高疏稱緣朱小

係張學詩雇工有黃樸夫婦帶女黃二姐亦雇與張

學詩傭工黃二姐與張學詩婢女小丫頭同處一室

每遇黃樸外出卽與伊母同宿乾隆二十年三月二

十五日小丫頭懷抱幼孩頑耍朱小起意圖姦勾引

小丫頭笑而不答朱小知已允從適逢黃樸外出黃

二姐與母同宿朱小至房成姦至五月初六日朱小

因黃樸聲言往塲看麥意揣黃二姐必歸母室同寢  
撥門潛入小丫頭房內向床按摸詎黃二姐仍在小  
了頭房中睡臥以致誤摸黃二姐驚覺叫喊朱小知  
係錯摸隨卽奔逸小丫頭知是朱小失口道破黃二  
姐忿詈喊起伊父並雇主張學詩備告其故詎黃二  
姐羞忿莫釋潛出投水身死屢審不諱將朱小比例  
擬流援

救滅徒黃二姐附請

旌表具題查朱小因欲與和姦之小丫頭同宿誤摸黃

二姐身上以致黃二姐捐軀自盡雖黃二姐之死由該犯手摸其身與一聞穢語卽便輕生者不同但該犯臨時實無圖姦黃二姐之心酌其情罪與調戲本婦致死者實屬有間應如該撫所題朱小合比照本無圖姦之心不過出語褻狎本婦一聞穢語卽便輕生例應杖一百流三千里事犯到官在

恩詔以前應減爲杖一百徒三年再該撫疏稱黃二姐守正不污捐軀明志洵屬可嘉相應照例附請

旌表等語應如該撫所請准其

旌表令該撫轉行該地方官給銀三十兩聽本家自行  
建坊其該州節孝祠內設牌之處照

恩詔定例遵行乾隆二十一年十二月初四日奉

旨依議



調姦不從遷怒旁人以致旁人將妻毆死比照  
強姦未成量減一等杖徒不准援減

刑部會看得李恒茂砍死伊妻楊氏并韓旺調戲昇  
姐一案據直督疏稱緣乾隆十八年八月十五日

有韓旺向李恒茂鄰居陳福家討取酒壺適陳福夫  
妻外出止女昇姐在家韓旺起意圖姦遂取出耳環  
給與昇姐昇姐斥阻未受韓旺復出言調戲昇姐喊  
嚷李恒茂之妻楊氏聽聞趨視韓旺隨卽逃逸迨後  
陳福回家昇姐等告知前情陳福向韓旺理論韓旺

知係楊氏告知遂向伊夫李恒茂爭鬧當被牌頭張公方拴帶韓旺稟報李恒茂抱忿回家怨罵其妻楊氏不服撒潑回詈李恒茂忿恨莫遏頓起殺機隨持斧砍傷楊氏左耳垂連耳根倒地復連砍其額顛偏右太陽穴右腮腴項頸併割傷右手大指立時殞命屢審不諱將李恒茂擬絞監候韓旺擬徒具題應如該督所題李恒茂合依故殺妻律擬絞監候秋後處決該督旣稱韓旺調戲昇姐雖訊無強暴情事但因陳福向其理論輒以楊氏告知遷怒肆行爭鬧以致

李恒茂忿恨殺妻殊屬淫惡若僅照訓戲例量擬枷  
責未足蔽辜韓旺應比照強姦未成杖一百流三千  
里量減一等杖一百徒三年雖在

恩詔以前應不准援減等語應如該督所題完結乾隆二  
十三年正月二十四日奉

旨李恒茂依擬應較著監候秋後處決餘依議



圖姦趕扯以致落井淹死駁改因姦威逼斬候

刑部 題據河撫咨達鄆陵民王二麻圖姦盧黑兒

未成致盧黑兒失足落井淹死一案該撫將王二麻  
比照謀殺人已行其人知覺奔跑或失跌或墜水等  
項死于他所造意律擬流咨部經臣部以律內因姦  
威逼人致死者斬監候又例內有因強姦不從將本  
婦立時殺死者擬斬立決各等語今盧黑兒因被強  
姦不從起身奔賊落井淹斃死由因姦正與因姦威  
逼人致死之律脗合且盧黑兒年僅八齡當其起身

奔賊王二麻既上前趕拉何難拉住乃聽其奔跑以致墜落井內或係畏其發露有心推溺希圖滅口正未可定況該縣驗報盧黑兒身屍僅稱水淹身死其井面之有無圈欄屍身之果否自行跌落抑係被推入井及穀道之有無破傷形踪均未分晰驗明殊屬疎漏未便僅憑王二麻一面之詞遽成信讞况強姦未成律卽坐以滿流今王二麻復又致死人命豈得輕縱事關因姦致死不便率覆應令該撫再行詳審務得確情按律妥擬具題到日再議等因題駁去後

續據該撫將王二麻改依因姦威逼人致死律擬斬  
監候具題臣部于乾隆二十三年十二月內題覆奉  
旨王二麻依擬應斬着監候秋後處決餘依議





主使人擄毀文契又糾衆搬搶以致投井身死  
駁改因盜威逼斬候

刑部 題據直督咨達宛平民史玉之妻韓氏因金  
八主使崔二等毀契搶糧氣忿投井身死一案緣韓  
氏所住之屋係崔二祖上所售之產屋後另有瓦房  
一間係崔二之父典與爲業有韓氏鄰居李太因崔  
二之父曾欠伊小錢八千文未償前往索討崔二告  
以窮苦李太隨稱韓氏屋後地基可變崔二慮難出  
售李太應允崔二向韓氏詐取房租希圖歸房售賣

韓氏答以價典之房令其查看契紙崔二因不識字  
退歸無策適遇素識之金八等將情由告知金八卽  
稱韓氏家內有錢又有糧食何惧不還商同前赴查  
看契紙金八卽同至韓氏家內索看房契韓氏當將  
典賣各契交給金八見其契載甚明難以啟手卽將  
契紙交給崔二主使撕毀使無憑據便可混賴崔二  
當卽聽從撕毀韓氏嘆聞金八將崔二拉勸至家因  
素知韓氏家積有糧食隨慫恿崔二前往搬取時有  
韓氏工人趙二在彼裝運芝蔴崔二恃強將趙二攔

逐自裝芝蔴一袋並將趙二衣被等物俱行搶取而散嗣崔二復與金八商明邀同陳三陳四一共四人復至韓氏家內將伊所貯粟穀強取四石金八又往趙二房內取出芝蔴七斗崔二亦進內搶出趙二小錢四十文一併拿出負至金八家內賣錢分用經張才風聞拿獲崔二稟縣詎韓氏被搶不計投井殞命屢審供認不諱將金八依死惡棍徒無故擾害良人例擬遣崔二爲從擬徒陳三陳四等分別枷杖等因咨部經臣部以律載因盜而威逼人致死者斬監候

等語律文盜字原兼強竊而言若搬搶財物則又重于竊盜此案金八係屬無干之人始則慫恿崔二索契撕毀繼復唆使崔二糾眾搬搶以致韓氏被搶不甘投井身死情罪可惡實與因盜威逼致死者無異今該督將金八僅擬發遣崔二擬以徒杖殊屬輕縱應令該督再行妥擬具題到日再議等因咨駁去後續據該督將金八改依因盜而威逼人致死律擬斬監候崔二改依爲從律擬流具題臣部于乾隆二十四年閏六月內議覆奉

旨金八依擬應斬著監候秋後處決餘依議



圖產強嫁再從弟婦致令自刎身死依疎遠親  
屬圖財強賣律擬絞奏請

刑部 題據湖北撫咨達枝江縣通詳劉澤遠搶嫁  
孀婦黃氏致氏自刎身死一案緣劉澤遠係黃氏之  
夫劉永華小功服兄劉永華身故遺有租田五石四  
斗陵地五畝黃氏撫孤守志又自置田四石九斗迨  
子天亡劉澤遠圖產起意強嫁與熊敬思蘇紹一爲  
媒說與李守揆爲妻議定財禮銀三十二兩錢二千  
文寫立婚書卽欲迎娶劉澤遠約俟夜間往搶是晚

邀同李仁等齊至黃氏門首劉澤遠從耳門進內開  
門將黃氏拉出同李守揆扛抬上馬劉澤遠復轉至  
黃氏屋內搜取田地契紙而出將黃氏送至李守揆  
家而散李守揆止留李雙兒陪伴黃氏因黃氏哭罵  
不休不敢成婚次早黃氏之叔黃方興查至李守揆  
家黃氏託令撫女鳴冤黃方興情願備銀贖取李守  
揆因無現銀不允黃方興出門欲歸措銀黃氏卽取  
房內剃刀自刎身死將劉澤遠依孀婦自願守志夫  
家搶奪強嫁孀婦不甘失節因而自盡照威逼例發



邊衛充軍李守揆等分別擬以徒杖具題經臣部以

例載孀婦自願守志而母家夫家搶奪強嫁者各按服制照律加三等治罪如孀婦不甘失節因而自盡者照威逼例充發又例載疏遠親屬圖財強賣者照例擬絞奏請各等語此案劉澤遠親屬圖財強賣者照華再從兄弟與黃氏已無服制因黃氏夫死子殤遺有田產起意圖佔輒誘邀熊敬思等爲媒得受財禮將黃氏私許李守揆爲妻又因黃氏係單戶獨居隨率同李守揆乘夜將黃氏強搶出門拉抬上馬復轉

至屋內搜取田產契約入手扛扶黃氏送至李守揆  
家內致黃氏不甘失節持刀自刎殞命該犯以疎遠  
親屬因圖佔產强行嫁買逞兇逼命與母家夫家奪  
志強嫁者迥不相同今該撫僅擬以邊衛充軍揆之  
情法未爲允協應令該撫另行按例詳晰妥擬具題  
到日再議等因咨駁去後續據湖北撫將劉澤遠改  
照疎遠親屬圖財強賣者絞候奏請

定奪李守揆等擬流黃氏附請

旌表等因具題臣部於乾隆二十六年十二月內題覆

奉

旨劉澤遠依擬應絞着監候秋後處決餘依議



買票詐贓威逼致死比照捕役嚇詐致死絞候

刑部題會看得高太等買票詐贓威逼朱咸初自刎身死一案據湖撫李疏稱緣高太先因行竊審擬

杖徒限滿遽回蘄州在前任知州汪元懋任內承充

皂役高太與余大章等誼屬表親因朱咸初有祖遺

墳山與徐東曉山界毗連山界內有松樹一株朱咸

初將松樹旁檀樹砍伐徐東曉之子病故徐東曉心

疑伐樹所致朱咸初又砍取徐東曉山草徐東曉憶

及前事輒欲具控遂倩人寫狀赴吏目衙門投遞該

吏目胡維忠接收票差衙皂李勝拘審李勝圖利携  
票售賣高太起意商同余大章各出錢文向李勝買  
票同赴徐東曉並朱咸初家喚訊朱咸初當給錢四  
百文並許錢一千二百文朱咸初亦赴具訴李勝仍  
將差票給高太收執高太等至朱咸初家歇宿高太  
以朱咸初不給錢文總令赴城余大章亦稱不耐等  
候高太復又逼令起身朱咸初出言詬罵高太氣忿  
卽將朱咸初家桌椅壺碗打毀朱咸初不甘隨拾碗  
片擲傷高太額角高大叫喊毆差朱咸初情急卽取

圖索畫押銀致伯母自縊比照威逼減流子受  
賄匿報服制照枉法計贓治罪

乾隆三十一年

刑部議覆江西安福縣彭近增圖索畫押禮銀致伯  
母劉氏刎傷咽喉自縊復賄匿服制一案緣彭近增  
係劉氏故夫彭音節胞姪彭近增屋後巷路一條向  
與劉氏家公同出入乾隆三十年八月彭近增之母  
周氏出名將已分一半賣與劉氏之子彭報懷砌牆  
獨管得受價銀一兩時彭近增胞弟彭遵古外出契

未列名三十一年七月彭遵古回家彭近增欲令彭報懷補給畫押禮銀彭報懷不允出言詈罵彭近增將所築之牆推毀一節劉氏聽聞出言囑罵稱言拚命暗帶剃刀刎傷咽喉倒地經族鄰彭存古彭正千勸散報縣驗傷醫治詎劉氏年老傷痛遽萌短見於八月初三日自縊殞命彭近增恐干重罪央求彭正千勸彭報懷不必供出服制議令措給葬費銀十兩彭報懷應允彭近增將住房當與彭迎秀得錢八千文交彭報懷收受報縣驗訊查出服制及賄匿情由



供認不諱將彭近增除賄匿服制輕罪不議外合比  
照卑幼威逼期親尊長至死律酌減一等杖一百流  
三千里彭報懷聽從伊叔彭正千得受賄錢隱瞞服  
制雖與私和不同但隱瞞服制於法有枉應照律依  
枉法贓五兩以上杖八十無祿人減一等律杖七十  
彭正千彭迎秀說合賄瞞訊未受賄彭正千合依脫  
事過錢與受財人同科例杖七十彭迎秀合依爲從  
無祿人減二等例杖六十均年逾七十照律收贖等  
因均應如所咨完結可也



姦婦令姦夫併姦其媳致媳自盡姦夫斬候姦婦發烏魯木齊給兵爲奴

刑部會看得何元三與何先祐之母朱氏通姦并欲圖姦何先祐之妻孫氏不從羞忿縊死一案先據湖撫李將何元三依強姦未成本婦羞忿自盡例擬絞監候朱氏依軍民相姦例擬以枷責具題經臣部以例載強姦未成本婦羞忿自盡絞監候又例載因姦威逼人致死斬監候各等語今何元三本係孫氏之夫何先祐之師長因先與氏姑朱氏通姦被孫氏

撞見輒與朱氏私商朱氏囑令并姦孫氏希圖塞口  
該犯隨向孫氏用言戲探復又捏腮調戲兩經孫氏  
喊罵拒絕該犯毫不畏懼復敢聽從朱氏樓抱圖姦  
因孫氏叫扭輒行逞兇毆辱以致孫氏被逼投繯殞  
命是該犯明恃爲伊姑狎昵之人屢次挾制逼姦致  
氏窘辱自盡照例擬以縊首情罪不符事關淫惡斬  
絞攸分未便率覆應令該撫再行妥擬到日再議至  
朱氏先與何元三通姦廉耻已喪乃因伊媳孫氏碍  
眼遂設計令何元三併姦孫氏以致何元三屢次逼

辱孫氏投繯身死滅倫傷化與尋常姦案不同僅擬  
枷杖不足示懲應將朱氏改擬實流發烏魯木齊給  
與兵丁爲奴題駁去後今據該撫將何元三擬斬具  
題應如所題何元三合依因姦威逼人致死律擬斬  
監候孫氏因何元三調姦不從自盡身死洵屬節烈  
應照例准其

旌表乾隆三十二年

月 日奉

旨何元三依擬應斬著監候秋後處決餘依議



逼嫁孀媳致縊收擬杖七十徒年半媒人滿徒  
刑部會看得陳玉隆強嫁寡媳彭氏致氏縊死一案  
據川督阿 疏稱陳玉隆長子陳宗富身故遺媳彭  
氏陳玉隆以彭氏年輕恐難終志與彭氏表兄王起  
義商議遣嫁王起義希圖媒金從中慇懃適有周元  
有談及娶親之事王起義卽與彭氏媒合議明財禮  
銀四十兩陳玉隆主婚立寫婚書擇期迎娶陳玉隆  
因見彭氏並無改適之意未與言明恐臨期費氣主  
使王起義將彭氏哄接至峯溪場店中至期周元有

至塲接親彭氏啼哭陳玉隆令次子陳宗萬強扶彭氏上馬王起義亦令伊子王萬隆同送至周元有家周元有見彭氏悲淚不止知其不願並未成婚詎彭氏不甘失節投繯殞命屢審不諱將陳玉隆依夫家強嫁孀婦不甘失節因而自盡例發邊衛充軍王起義擬徒具題經臣部查律載夫亡改嫁冒毆故夫之祖父母父母與毆舅姑罪同其舅姑毆已故子孫改嫁妻妾者亦與毆子孫婦同是子孫之婦卽經改嫁名分恩義猶存不得與凡人並論律義顯然今陳玉



隆因彭氏年少是以遣嫁及彭氏不從當令次子強扶上馬尙無殘忍逼害情事彭氏爲夫殉節仍爲陳氏之婦其於伊夫恩義至重卽於其夫之父恩義有不能絕之理該督將陳玉隆問擬遣戍按之律義案情俱屬未協或陳玉隆逼嫁彭氏不從有必欲致死情節則當另審確情定擬題駁去後今據該督將陳玉隆改擬杖徒前來應如所題陳玉隆合依孀婦自願守志而夫家強嫁各按服制照律加三等治罪律杖六十徒一年量加一等應杖七十徒一年半王起

義合照威逼充發例爲從減一等應杖一百徒三年  
再自縊身死應給匾額毋庸請給建坊銀兩之處與  
例未符仍應照例准其

旌表乾隆三十三年 月 日奉

旨依議

逼嫁有夫堂妹致死駁改絞候節婦請旌

刑部會看得李金詔逼嫁胡李氏致氏自盡一案先

據川督阿 咨稱李金詔係李氏小功堂兄李氏之

夫胡建盛于乾隆二十六年外出不歸遺妻李氏無

依隨父李之陽同李金詔移居犍爲二十三年正月

十一日伍忠全赴胡建盛胞伯胡世明家拜年胡世

明言及胡建盛久出無音疑係病故伊妻難以守節

伍全忠以伊戚盧金華託訪親事遂爲作伐求娶李

氏胡世明囑令伍忠全往李之陽家問明議婚伍忠

全通知盧金華隨帶銀兩于二十五日同至犍爲向  
李之陽詢知李氏不願改嫁遂起身而歸詎李金詔  
聞知復勸李氏改適李氏不理李金詔希圖取利卽  
追回伍忠全等商令盧金華送給銀兩包管將李氏  
接娶并稱伊叔李之陽爲人本分有伊力主成婚盧  
金華卽出銀十兩二錢給李金詔收受李金詔又令  
盧金華出錢三千文以作李之陽養女飯食約定二  
月初四日前往接娶李金詔商定回家用言恐嚇李  
之陽令將李氏送還胡姓免致訐訟並告知約期接

去緣由李之陽畏累復問李氏仍不肯從二月初四日伍忠全同盧金華備帶酒肉錢文前赴迎接李金詔又囑李之陽不必再問李氏願否卽令起程李氏在房哭泣不允李金詔往嚇以往囑胡家告官差拿李氏被逼情急自持尖刀戳傷咽喉因傷殞命將李金詔比照母家搶奪強嫁孀婦因而自盡例照威逼充發量加一等應發邊遠充軍伍忠全盧金華均照爲從減等滿徒李氏並非孀居其因逼嫁自盡與孀婦捐軀明志有間毋庸

旌表等因經臣部以例載疎遠親屬圖財強賣者問擬絞罪不待致死人命卽應定以縲首此案李金詔圖財強嫁有夫小功堂妹李氏致氏被逼殞命查李氏因夫胡建盛久出未歸本無改節之意李金詔並非應得主婚之人始則貪圖謝禮主令出錢接娶且欺氏父李之陽爲人本分計誑恐嚇李之陽畏累向女商議不從李金詔又囑李之陽不必問女願否並向氏嚇稱告官差拿以致被逼情急自抹殞命該督以此案情節較之強嫁孀婦尤爲情重又僅照威逼自

盡例充發量加一等仍擬軍遣于情罪殊未允協應  
令妥擬到日再議咨駁去後今據該督將李金詔改  
爲擬絞監候伍忠全盧金華改擬滿流並聲明李氏  
可否准其

旌表統聽部議具題應如所題李金詔合依疎遠親屬  
圖財強賣例擬絞監候仍奏請

定奪伍忠全盧金華均依爲從例各杖一百流三千里  
胡世明依不應重律杖八十李氏因伊夫胡建盛久  
出無音被堂兄李金詔圖財逼嫁以致自刎身死查

有夫之婦因親屬逼嫁例無

旌表明條但該氏實因逼嫁不從捐軀就義節烈幽魂  
洵屬可憫應比照婦婦守志因親屬逼嫁自盡之例  
准其

旌表乾隆三十四年

月

日奉

旨李金詔依擬應絞著監候秋後處決餘依議



逼死佃戶一家五命欽駁審出行賄情由該犯  
斬決知縣絞候秋審入于情實

湖撫永 奏乾隆三十六年八月二十四日奉

上諭刑部議段興邦威逼佃戶周德先致死一家五命一  
案請照新定之例改爲擬斬監候自應如此問擬細  
閱案情段興邦以佃戶欠租細事告官斷追已非安  
分之人迨周德先業已遵斷交清段興邦猶以未足  
仍然指給收字復以稟官差押清租退佃恐嚇致周  
德先父子同時窘迫自戕是段興邦不僅倚富逞強

欺凌懦佃而平日以豪富監生與該縣往來交好該縣或併受其賄賂惟所欲爲該犯恃有護符恣肆無忌卽不然亦必與奸胥蠹役勾結把持橫行鄉里是以愚民畏其勢焰不敢與爭致父子五人皆以畏懼而畢命其情節甚爲可惡顯有倚仗官勢情弊自爲此案緊要關鍵今周德先父子雖死而爲段興邦佃戶者必尙有人及該處附近庄農俱可悉心詢訪段興邦恃符不法必不能掩衆人之耳目地方自有公論無難得其底裡著傳諭承德卽將段興邦向日如

何與該縣交結情事逐一密訪確查務期水落石出  
奏聞若該縣有受賄庇縱之處亦卽據實嚴叅  
免該撫辦理此案僅照常例問擬惟已斷給財產  
爲重示懲已屬錯謬今交查此事若再顛預了事或  
併存心袒護劣員則是自速罪戾矣將此傳諭知之  
欽此臣伏讀之下仰見

皇上聖鑒精明無微不照臣前此引擬錯謬今奉

諭旨曷敢顛預袒護自取咎戾惟事關發奸摘伏非得詳  
慎能事之員不能妥辦又恐該管道府仍有迴護查

辰沅道富泰人甚老練適在省中臣恭錄

諭旨密委該道前赴訪查務使其水落石出茲據富泰稟稱遵卽親詣該縣隨細偵訪並傳喚保鄰別佃以及原辦書役人等到案詳晰訊究前任已革知縣傅九錫于此案實有得贓情事緣段興邦之父段容山有子三人長卽革監段興邦次武生段文彪三監生段青章家道稍殷父子刻薄凡佃戶交租顆粒不畧短少借貸錢穀每年加四行息滾利盤剝鄉里素有怨聲周德先承佃伊家田畝歲額租四十二石一斗已

經六十餘年從無掛欠段容山有倉廩一座坐落周德先屋側收貯附近租穀每年出納交周德先經理鄉鄰借穀者段容山發與紙飛向周德先支給周德先將紙飛彙存與段容山結算周德先年老伊子周玉景周玉秀周玉祿周景福接耕照管乾隆三十四年八月十八日段容山向周景福清租併結算是年倉貯本利均已清楚止欠息穀五斗段容山坐索不歸至十九日早又因周景福私將佃得伊田三畝五分頂與譚姓耕種租穀不清段容山仍向周景福催

逼以告官恐嚇周景福情急言欲尋死段容山回答  
卽死不值一狗詎周景福被逼甚堪竟投塘身死經  
報原任安仁縣叅革知縣傅九錫頃萌欲念將段容  
山鎖帶入城收禁候審先有佃鄰陳明會出而講和  
令段興邦給周德先錢五十千文寢事段興邦又浼  
生員虞明魁轉尋退役劉品一進署與知縣傅九錫  
說合餽送銀一百二十兩傅九錫收受又官門跟班  
家人張榮汪升各得銀十兩虞明魁劉品一原差彭  
立德各分銀十兩止以三十兩交周內舍分給案內

知情之人多寡不等總共用銀二百兩傅九錫隨將  
段容山提出照不應重律擬杖詳結段興邦乃因此  
事累其用多銀子心生惱恨立意逐佃三十五年三  
月查知周德先將伊倉穀侵用周德先輒以王志錢  
三十三年借穀舊紙飛改作三十四年搪抵段興邦  
遂以抄吞縣盜等事前後赴縣捏控吞租一百五十  
餘石併盜賣牛九隻等語經傅九錫訊明周德先實  
欠倉穀十石并冒銷王志錢穀三十石又本年新穀  
四十二石共八十二石諭陳明會担承至秋收清還

五月  
八月間周德先貪佃恐退罄割所種七十七石併借  
陳明會穀五石一併完清段興邦已挑回家內收貯  
該犯總未甘心仍指給收字追署令高淳德到任段  
興邦復抹煞已完之數仍以欠租一百五十餘石控  
追勒退高淳德查卷前任斷案未銷出差查明緣由  
銷案其捏控之處未經深究段興邦總不遂願十一  
月初七日命族人段楚材帶同廣東人二名至周德  
先家逐令出庄交田十一日段興邦途遇周玉景以  
其強橫霸佔必欲上控押逐周玉景歸述其言舉家



驚憂以本年田穫穀石除交納外顆粒無存若再出  
庄則無棲身之所如何謀活于十二日周德先父子  
四人商同服毒往拉見交之陳明會赴段興邦家中  
拚命中途毒發俱各殞命此段興邦逼斃周德先父  
子五命之先後情形也再查段興邦父子慳吝性成  
惟利是視平日止知欺詐鄉愚未嘗敢與官交結亦  
不與書役往來稽查縣案止有索債催租之件並無  
另有重大情事實之各個地隣人等均供相符復由  
示遍行招告亦無被害首控之人等情前來併帶各

犯証至省委員發訊供認不諱臣查段興邦雖無交結官吏倚仗勢利情事但以財行求挾制恣肆輒敢捏欠控追迨已清完猶捏情朦告逞威逼逐致釀人命前後情由已和盤托出叅令傅九錫先則枉法愛賍次則告租不從公剖斷乃于五月內卽將該年秋租併作欠數一併勒追顯屬庇縱均不出

聖明洞鑒臣復檢查三十五年安仁縣倉書劉本忠盜用印文造詳誣揭案內原有該縣傅允錫家人張榮詐得段容山命案內銀五十兩一欸後經審虛將劉本

忠依投匿名文書律擬絞已經正法傳九錫照例革職題結今查出傳九錫于此案受財原揭則非無因足見天理昭彰不容漏網除將傳九錫嚴行監禁督同該司道確審此外有無婪贓實情照例辦理外至前署安仁令高淳德雖因卷內尙未呈有收字故照案行追迨查明已完卽應將段興邦因何誣控之處嚴行究結則該犯早應伏法不致逞奸釀命恐高淳德亦不無染指徇縱情弊相應請

旨將試用知縣已補陵零令高淳德解任以便提同案

內犯証一併審擬具奏所有從前失察各上司暨臣等不能早爲覺察俱咎有難辭容俟審明另開職名附叅合併聲明謹奏

刑部奏據湖南撫梁 奏段興邦威逼周德先致死一家五命一案查例載光棍爲首者擬斬立決又律載枉法贓有祿人八十兩絞監候等語段興邦威逼周德先一家五命一案先經臣部奏照威逼定例將該犯照逼一家三命以上斬例擬斬監候在案茲據該撫續經寃出該犯倚富欺貧恃財行賄控追完租

之後又復捏欠逐佃以致周德先父子情急服毒慘  
逼多命情甚可惡應如該撫所奏段興邦改照光棍

例擬斬立決傅九錫身爲知縣得受行賄銀一百二

十兩亦應如該撫所奏依枉法贓有祿人八十兩絞

監候律應擬絞監候秋後處決秋審時人于情實該

撫旣稱已革生員虞明魁代段興邦邀革役劉品一

向傅九錫說合過錢除各得銀十兩計贓罪止于杖

輕罪不議外虞明魁劉品一俱合依說事過錢與受

財人同科照傅九錫絞罪無祿人減一等俱杖一百

流三千里至配所折責四十板查劉品一係革役胆  
敢誘惑本官營私求賄比尋常說事過錢情罪較重  
應請發新疆照例僉遣黑龍江給披甲人爲奴長隨  
汪升縣役彭立德各分得銀十兩俱各依蠹役詐贓  
六兩至十兩例各杖一百徒三年至配所折責四十  
板汪升照例刺贓犯二字縣書楊光發徐賢昆各得  
受錢一千六百文劉定邦得受錢三千二百文俱合  
依枉法贓一兩至五兩杖八十無祿人減一等杖七  
十係書役加一等仍杖八十各折責三十板俱革役

屍親周德先得受私和錢五十千文私和人命之周  
內含得錢五千二百文周聯志得錢三千六百文周  
大順得錢三千二百文周玉先等各得錢一千二百  
文除周德先周大順已死不議外俱合依枉法贓一  
兩至五兩杖八十無祿人減一等杖七十折責二十  
五板周聯志係縣書例應加一等杖八十折責三十  
板革役段連三得錢四百文合依枉法贓一兩以下  
杖七十無祿人減一等杖六十折責二十板段容山  
欺凌懦弱重利盤剝既自行逼死周景福迨伊子段

興邦賄求釋放又以浪費毆責其子日逐吵鬧以致  
段興邦忿恨立意逐個逼死四命實爲此案罪魁未  
便輕縱應比照光棍惡徒生事擾害良民發遣例照  
例收發雲貴兩廣烟瘴地方安置雖年逾七十不准  
收贖武生段文彪雖未隨同伊兄段興邦說合行求  
但與伊弟監生段青章平日均不能勸阻父兄俱非  
安分之人應革去生監以免滋事各犯所得贓銀除  
周德先已死照例勿追外餘俱照追入官等語應如  
該撫所奏完結再該撫奏稱高淳德雖署任未久訊



無染指徇縱情弊但于段興邦捏控欠租時不能迅速嚴行究詰致釀事端應請照溺職例革職再屬員婪賍歷任該管上司例有處分現在查明另行咨部叅處等語應候

命下之日移咨吏部照例辦理乾隆三十七年二月

日奉

旨段興邦著卽處斬傳九錫依擬應絞著監候秋後處決餘依議

斜對猶

計別與非著明致神與此幾封盡懸錄著溫新煙新與

日華

丁亥月終客東潛黑岡機與臨三十小半二日

辛酉年

楚軍王出言曾土同陽言與不此查即民言各情

聖鑑行漢請楚難事謝懸請黑幽鄰國革卿再訓

無榮市商錄謝與出干男與准卦卦入睡卦不重與

夫被姦夫殺害聽許銀兩同逃比照夫爲人殺妻妾私和杖徒不准援赦

刑部題會看得劉漢傑等謀死杜存一案據直督方疏稱緣杜存不務正業因無營運縱妻賣姦招引劉漢傑至家與妻姦宿說定一切食用皆劉漢傑照管乾隆十六年秋間劉漢傑力不能繼杜存不令上門劉漢傑遂不上門心懷忿恨起意謀害慮恐獨力難制遂于九月二十日聞知杜存外出誘領劉二興楊狗至王氏家飲酒以結其心越數日後卽喚劉二

興商議謀害杜存之事適楊狗踵至查問劉漢傑隨邀劉二興楊狗至家共飲告知情由懇令幫助楊狗欲圖姦宿隨卽應允劉漢傑復邀劉二興幫助劉二興亦卽允從是晚劉漢傑腰藏麻繩與劉二興楊狗哄誘杜存至舖沽飲將杜存灌醉一同出舖劉漢傑假言送歸與楊狗誘令杜存先行劉二興在後拾取石塊同至鎖城莊漫地井邊劉漢傑卽將杜存扳倒令劉二興按住上身胳膊楊狗按住兩腿杜存嚷罵劉漢傑用土塞口當卽取出麻繩將杜存項頸套住

抽勒尙未絕氣劉漢傑縛上石塊將杜存連石推入井內淹斃各散次日王氏見夫不歸尋遇劉漢傑向其查問劉漢傑卽以實告王氏哭泣欲喊劉漢傑用言恐嚇王氏惧其兇惡不敢聲揚劉漢傑慮恐土氏告發欲令同逃王氏不從劉漢傑以山東有卅好友現在發財若肯同往卽爲設措以兩送其歸家度日如不同往卽行殺害王氏無奈同行嗣經緝獲劉漢傑王氏到案劉漢傑因質對無辜捏詞狡展隨嚴飭勤緝劉二興楊狗務獲在案於乾隆二十年十一月

二十二日拿獲劉二興楊狗該州訊報據各犯供認  
前情天口不移將劉二興楊狗絞劉漢傑擬斬具  
題應如所題劉漢傑合依木夫縱容妻妾與人通姦  
姦夫起意謀殺例擬斬監候秋後處決劉二興楊狗  
均合依謀殺人從而加功律擬絞監候秋後處決該  
督既稱杜王氏訊無知情同謀情事後聞知伊夫被  
害不卽聲喊鳴冤復又聽許銀兩隨同姦夫逃走殊  
屬不合若照例僅科姦罪不足蔽辜杜王氏應比照  
夫爲人所殺而妻妾私和者杖一百徒三年律應杖

一百徒三年係犯姦之婦杖罪的決徒罪收贖查杜  
王氏事犯在

恩詔以前杜王氏情罪與十惡不義無異應不准其援免  
等語均應如該督所題完結再該督疏稱此案前任  
開州知州嚴宗嘉失察土娼例應議處但該員業已  
病故應無庸議等語應無庸議乾隆 年 月

日奉

旨劉漢傑依擬應斬劉二興楊狗依擬應絞俱著監候秋  
後處決餘依議





威逼人致死情重者比照因姦釀命例杖徒追

埋

刑部題會看得已革學正張聖化擅專審斷致羅世元窘迫自盡一案據貴撫圖疏稱緣生員羅世元

赴城至楊森家借宿夜晚點燭照亮插于竹編牆上因倦就寢遺忘吹熄以致延燒偏厦並楊森住屋二間羅世元卽移去另寓次日楊森次子楊國輔向另居之兄楊國相告知赴學呈控該學正張聖化卽差門斗李實傳喚查詢羅世元自認屬實張聖化令羅

世元出稗二石幫其日食羅世元依允向寓主借銀  
二兩五錢折價赴交楊國相嫌少張聖化令其增添  
復差李實協同催取羅世元答以緩措楊國輔不甘  
輒將馬匹拉去令其交稗贖回詎羅世元聞馬被拉  
去窘急氣忿潛出投河殞命報州驗訖將張聖化題  
案奉

旨革職審究訊供不諱查羅世元借宿失火原有應得之  
罪該學正斷令幫稗楊國輔遵行拉馬勒贖致羅世  
元忿急自盡僅依威逼人致死律科斷未足蔽辜將

楊國輔比依擬徒楊國相擬杖等因具題前來應如  
該撫所題楊國輔比照事主失竊窘逼自盡審明賊  
犯贓少罪輕不至滿徒比照因姦釀命例杖一百徒  
三年仍追埋塋銀兩給付死者之家楊國相李實均  
照不應重律杖八十李實仍革役再廣順州學正張  
聖化擅斷釀命依違

制律杖一百已干本案革職應毋庸議乾隆三十七年  
六月二十四日奉

旨依議



漠不相關之人屢行爭鬧致人自盡外顯威逼  
擬杖追埋奉

旨著發黑龍江給披甲人爲奴

兵部奏據川督文 疏稱調署重慶鎮標中軍守備  
哈得功異姓義父哈朝在青雲營守備署內自抹身  
死一案緣哈得功本名穆玉春父死母存乾隆三十  
六年哈朝無子撫以爲嗣改名哈得功選充提標兵  
丁出師金川拔補青雲營守備哈朝代爲聘妻於四  
十一年四月完婚哈得功將哈朝夫婦接赴任所哈

得功親母周氏前夫之子高懷仁知哈得功已陞守  
備卽挈伊眷隨同周氏搬至署內哈朝以高懷仁母  
子回漢飲食不便時相吵鬧四十二年五月哈得功  
調任重慶鎮標中營守備哈朝不欲高懷仁偕往周  
氏以子親生必欲同行彼此爭執甚至出言唾辱高  
懷仁隨聲附和哈朝氣忿莫釋於三十日午後自刎  
身死究明哈朝實因與高懷仁母子口角氣忿輕生  
並無別故高懷仁屢次與哈朝爭吵激令自戕情同  
威逼高懷仁合照因事逼人致死者杖一百律應杖

一百折責四十板追埋葬銀一十兩給付死者之家  
塋葬周氏偏護前夫之子時相詬詈婦女無知罪坐  
伊子請寬免究無干省釋守備哈得功雖係哈朝異  
姓義子例應歸宗但該條現係職官目擊哈朝與高  
懷仁母子久不相安不早爲調處約束致哈朝在署  
自戕實屬不合相應請

旨將調任重慶鎮中營守備哈得功交部議處以飭官場  
令其照例歸宗除追取該守備銜付鈐記卽令解任  
委員前往接署外理合具題奉

旨哈得功著議處具奏該部知道欽此查哈朝係守備哈  
得功異姓義父哈得功接住署內有哈得功本生母  
周氏挈前夫之子高懷仁來署居住因哈朝回教飲  
食不便時相吵鬧迨哈得功調任重慶哈朝不許高  
懷仁同往致被周氏母子唾罵氣忿自戕該員雖無  
偕同附和情事但不能早爲調處約束卽屬不合應  
將重慶鎮標中營守備哈得功照不應重律杖八十  
係官犯私罪照例降三級調用查哈得功現有征剿  
金川所得功加二十六等軍功紀錄二十四次但係



私罪未便准其抵銷應行革職等因乾隆四十二年

十月十四日奉

旨哈得功因生母周氏同前夫之子高懷仁在署吵罵以

致義父自戕該部議以降調不准抵銷因無級可降

請旨革職固屬咎所應得第驗該員此次隨征金川

頗爲出力所得軍功較多若因此卽行降革未免可

惜哈得功降級之處著加恩准其抵銷至此案情節

皆由周氏母子啟衅所致周氏係文流無知而高

仁以漠不相干之人搬居署內屢行爭鬧以致哈

自戕甚屬可惡雖經該督擬其情罪尙不足相抵  
高懷仁著發黑龍江給甲人為欽此

卷二十六終



